



南巡盛典

天章

卷二十一之卷二十三

7.8
1.199
9





南巡盛典卷二十一

天章

壬午 直隸

詩

恭奉

皇太后南巡啓蹕再疊前韻

有序

年占午正宜揚南國之旌月肇寅生爰效東
皇之駕當朔塞九功奏凱慶逮乘時况

西池七秩稱觴懽逾獻歲時乃燕臺日近魯甸春迴
指吳頭則堰莅觀河臨越角而塘循捍海詔

百通原典 卷二十一 一
卻綵棚燈幔何以文為風陳巷舞衢謳無非
事者然而典符三接辰紀十周求民莫以給

舖厘呼庚癸體

懿懷而紆軫重閱辛壬維再巡令則還仍用志憑軒

伊始想一路權聲可即如言候仗何遲云爾

初歲開壬甫背辛答陽任養敘彝倫添

籌纜度七旬慶養

志還符五載巡每為賑賙傳蹕止

本擬辛巳南巡以下河窪地偶值偏

災復改
為壬午

幸逢給足俾情申南轅始命展軫僕澤國

遙懷引領民寧以行時吳與越肯忘遇滂衛還陳

十行不惜恩加月

去秋豫河漫口奪溜各郡被災
亟命地方大吏妥為撫恤開年

復命從優
加展賑期

四海惟期澤普春日奉

慈顏心有喜途臨韶序景從新行宮所幸前遭者武

定聊無籌筆頻

丁丑南巡時賊酋巴雅爾等構釁
兩路進討軍書徑達行在故有敢

廢軍書裁
決頻之句

駐良鄉行宮疊舊作韻

黃圖古冀緬盧胥堯以為心久愧諸惟是敬誠凜
無逸庶幾風俗復還初時巡民瘼體毋怠日侍

慈顏樂有餘詎可深宮圖宴息聖人見說貴鶉居

良鄉行宮奉

皇太后觀烟火卽事得句

時巡啟蹕先元宵初頓黃圖路不遙迎節欣邀

慈闈豫送鑾况集外藩朝

是夕在京王公及外藩送駕者皆令預觀紫瀾

欲定風澄晚七寶將圓月燭霄大野春鎿民共樂

廣陵却笑躡虹橋

良鄉行宮再疊舊韻

立春昨日欣逢雪便覺春棊藹帝江啓蹕正宜迎

氣始行宮韶旭曠明窗

心欲其安身欲勞挑燈義府足怡遨賦詩何必多

明憶每至摛詞興輒豪

清風一牖春秋韻明月滿庭今古情無盡藏真大

公物坡公遊戲語猶誠

翠華三度指東南遮莫遊情覺已酣豁賦省耕度

入聲河務其他無欲孰窺探

郊臺

廣陽南五里封土建郊臺每過欽

天佑非關詔域開戰袍解昔勞

去聲 纏帽扈今來年班 來謁

諸同人皆令隨行過上元始分路命侍衛帶往各城

迴憶誠微倖淵衷益慎

哉

弘恩寺

祇園古道左來往駐旌仍僧有毘尼行

梵言毘尼華稱戒律

也 佛無聖見乘

聲聞緣覺無凡見尚有聖見惟佛乘始無聖見

時禽鳴意

喜靜室憩心激卽境思名義敷恩亦欲弘

琉璃河

大防玉石源流遠卧渚長橋來往資未泮春冰沙

漲岸頰臨真是白琉璃

過督亢陂因詠荆軻事

使使持圖西獻秦強秦豈不利求真數千里外此

何用讀史誰誠具眼人

擊筑悲歌易水寒那更顯送白衣冠荆慶神勇秦

王獨左股先殘信實難

涿州行宮晚景

涿郡出南門行宮向遠原底須事藻績亦自有亭

軒西嶺銜春旭東蟾竚上元郊燈真足賞民俗藉

南遊錄 卷二十一
堪論豈不還淳念其間同樂存清宵閒點筆爆竹
聽村村

涿鹿行四疊前韻

行宮近隣凹字城至今四疊涿鹿行昨辛耆定識
僥倖前丁擘畫思分明如願麥熟千村飽
去歲麥大熟
夏田苗秀誠亦好不期秋霖忽致澇救災蒿目乏
術巧匪民之過皆我尤猶幸此方蒙

眷

稠豫省河決乃大沴賑濟不教餘力留重臣馳驛
往督築幸能瓠子全功收往來巡狩無非事萬方

方寸勵慎修

題酈道元故居

注水經曾冊卷成紫淵深處最分明果然在涿惟
言涿地附青雲也立名

紫泉行宮十咏

敞軒

千秋一水帶新城變紫伊誰浪與名稍葺行宮省
駝力疏軒早見敞三楹

屏山

南遊盛典 卷二十一 五
圖水寬因致山聳三峯當戶畫屏風訝看中吐英
英氣能爾爲應王氏蒙

鏡湖

湛淥溶溶數畝涵碧波消息遞江南開奩設使譬
明鏡却憶貞觀有理談

舫室

飛鳧不繫鏡湖涯似效昆明石舫爲好惡毫釐可
弗慎未斯安處早慙斯

櫻亭

四柱孤亭臨石坡櫻毛密葺耗婆娑雖然從儉還
新樣比似茅茨祇覺過

虹橋

長橋飲練學南國顛米詩情憶宛然幾度吳江訪
古蹟不知其處祇名傳

魚罾

渚畔魚罾得所償豐於竿釣儉於網若非雲水滄
浪意子莫執中底足長

石逕

南巡盛典 卷二十一 九
十畝閒園五畝宅逕惟曲折爾能長因之悟得行文法不在縱橫在抑揚

竹埭

風處鏗然月處虛幾竿窗外足扶疎春來紫戢猶
勺土已覺干雲勢有餘

箭廳

駐輦還教集羽林學文皇習射親臨尋常點綴渾
餘事嘉此知予奮武心

上元前夕觀燈火

翠罕行春駐紫泉慶宵恰值上元前逢迎節物春
郊外絞縛烟花凍浦邊玉葉猶鋪千頃素銀蟾祇
欠一分圓明朝趙北臨嘉夜月映冰嬉應倍妍

駐趙北口行宮卽事

跋馬雄縣南須臾長堤蒞行宮知己近烟柳柔條
肆于邁指江南江南消息遞漁村與蟹舍近遠坡
陀寄積雪冰鋪仍新水春生未野老捧木盤一雙
冰鯉置還鯉命賚之嘉此獻芹意

水鄉

水鄉也自藝桑麻去歲霑霖潦啣沙絜矩原田經
澇者合教一例賑期加

上元日侍

皇太后宴

南巡東陸奉

慈鑾三五昌宵月正團四海為家欽養

志萬年介祉永承

歡冰花火樹輝行館玉粒銀梁供大官此樂本來天

下共即看祝

嘏侍江干

上元於趙北口行宮同扈蹕儒臣詠冰嬉聯

詩句

御製上元燈火歲常新渚館冰嬉倍可人恒奉

慈娛千萬載

試賡法從兩三臣雙盤紀勝纔聯鼎

太液摘詞早鏤珉

御製冰嬉賦
曾經恭刻榻本

首頓廣陽

偕燕衍

臣劉統勳

隔宵涿鹿普訢閭紫泉迎旭羅

朝饌芳甸凝膏潤宿昀

沼籞剪芡臨爽塏臣劉沙堤環栝倚崇闈鏤金

待暖將拖柳泛玉流漸未點蘋廿五淀圍迴

雁泊臣于敏中

御製十三橋次宛虹馴西春返照明銀燭東壁騰輝

燦玉津較量前番正嘉夜

探尋此地足熙春鄭瀛景物分明賞吳越謳

謠次第

詢近水香花瞻

翠輦臣錢汝誠

展風蠲復賁

丹綸紫姑競賽田蠶盛泰益叢祠膏粥頻宴啓傳

柑隨

豹尾臣介福歌同依藻疊魚鱗連鼇彩躡仙臚亘

翔鳳苞扶

寶閣循蘭淑汎觴先禊洛臣雙慶

御製茆簷觀酺恰吹幽江南消息侵尋遞趙北烟花

鄭重陳况有于思隨蹕路

便教倒刺藉文茵聽吹節鼓轟雷捷看上懸

種掣電神孫挂月崖輕掉臂臣劉統勳鷓翻雲塔

穩盤身招搖稱手長竿拓不承跌寸楸紐

鬪罷老獬羔解跪臣劉統勳拋殘巨卵彈能勻傳

聲

賜鎚懽泥首對隊擎杯暖沁唇積素似鹽堆繼臘

臣于敏中

御製新陰如幄捲當晨冰含雪色炬千樹雪映冰光

魄一輪鋪得瑠璃為世界

集來鷓鷯儼朋賓奩規皎潔圓靈鏡壺削晶

瑩方嶠珍百戲蹴花澄曼衍臣錢汝誠九華結字

澈齋淪菱舟刺凍疑移嶼蓮座烘寒忽插旻

灞岸詩情行得得臣介福輞川畫本想粼粼從

知黍谷回春是比似樽桑不夜真迴憶六街

看最好臣雙慶

御製每懷一盞對猶貧長筵列坐宣回長曲岸駢觀

樂土民平步星橋連貝闕

縱眸雲隴覆瑤塵魚驚啟蟄潛還陟鴻識隨

陽漸復遵街燭熒熒通溟裔臣劉統勳然犀燭燭

洞磯濱篆熾甲煎逾安息燈宰流蘇奪大秦

繞滸蛭脂紛匝臣劉分棚蘭燄蠹嶙响霞

標瞥起陽凌冶月地徐融沍穀敝燕國新詞

慚授簡臣于敏中

御製魯山雅曲願書紳遠村漁火依微辨近渚龍檠

左右巡頃刻金蓮開萬朶

參差寶絡綴雙銀襄城赤幟塞中夕封氏花

旛驗半旬野老堵墻咸色喜臣錢汝誠內官立

仗不心瞋祥過卜繭餐養餌采勝捫釘睹宿辰

編戶獻芹

行慶洽臣介福守臣負弩祝

釐申紅跗分窖歸蒸蔚碧剡同疇出垠清景當頭

延燕賞臣雙慶

御製陽和有脚戴

鴻鈞底誇繼晷且經月要欲同歡並示仁惠遠行時

難槩置繫予本意在還淳

上元燈詞八首

前度江南此預日今番趙北正元宵觀燈例事庸

宜罷况有輪班伯克朝

帝城三五常年景畿甸上元也自佳雖欲與民同
樂賞微嫌守吏太差排

連宵都有郊燈燦今日偏饒冰戲奇燈燭冰光冰
映月渾成世界淨琉璃

火樹千行方粲宴蘭烟百道與和凝空中宰塔須
臾現寶月如來最上層

絳葩結作榮光鏡翠火燃成瑞應圖聯袂童謳雖
數十魯山于蔦獨何無

古今燈月交輝夕一刻光陰一刻憐遙想皇州不

禁夜香車寶馬正喧闐

蛭膏鶴燄齊輝映蟹舍漁村盡看來金鎖玉關原
不藉和門行漏且遲催

欣無行雨與流風照得冰消更雪融入夜悄然羣
鬧息團圓月相古今同

駐蹕思賢村行館題句

漢家太傅有遺祠行館於旁樸且宜兩字思賢易
新號舊名四善村因改此名千秋稽古藉先資閒庭不改風

南巡盛典 卷二十一
還月欹案依然易與詩一宿明當發清蹕已安容
膝底多爲

題授經臺

高臺喜識授經名太傅猶稱處事明河內後來傳
趙子淮南先是受賁生詩殊東魯意頗合易是專
韓義獨精憩宇恰依林屋側翠然望古集遙情

上元後夕觀燈卽事

上元初過景重提翼節烟花燦且淒耐可郊燈燃
更鬧却看海月上微低紫姑祈後春蠶慶韓傅祠
邊火樹齊謾道漢家闕故事龍門太乙豈無稽

瀛州南樓四疊沈佺期韻

雲卿詠華譙綺句輝丹青至今錦繡文不隨樓寂
寥澤國事時巡春晝揚和颺鳴鑿古瀛州短亭復
長橋緬彼遺蹟處沙野迷近遙因之悟千古總資
談義囂其人非所宗論世爲此謠

河間道中再詠前題

日華坊

三雍獻雅蹟真嘉彰善而今有日華比似燾黃苴

白者宏開兔苑底堪誇

毛精壘

大毛為傳小毛說博士河間領縉紳誰識詩壇尊
揖讓積薪還有後來人

鳴犢河

夢帝埋符胥怪誕豈堪王道輔宣尼臨河不濟原
天命鳴犢名因藉以垂

琴高冢

涓彭得術恣浮游肯為去聲故鄉一月留還復飄然

乘鯉去何來突兀土饅頭

條侯祠

誰云善相語全誣許負偏能相亞夫從理雖然事
荒誕禍根種不爵徐盧

廣川臺

春秋義具天人策災異陰陽却鮮稽未識葩經明
哲旨奚辭讒謫相膠西

題毛公祠

村尚以詩傳心儀設教筵淵源來子夏訓詁逮延

年愛此儒祠古兼臨行館便

地方官備數字憩舍於祠旁既樸且完稱

茲止

展書樂清暇妙契鄭家箋

於毛公祠旁行館作

行館儒祠畔春風特地臨無邪蔽三百有傳至而

今已喜書筵潔那更石徑深卷阿稍伴負可愜昔

賢心

卽事

駐輦春風日又斜傳宣守吏問桑麻災區賑濟還

當黽憩字鋪陳底足誇且喜說經近毛氏不須買

節學錢家

京都放燈自十三日至燕九茲以行樂巡幸在途十七十八兩日命罷之

清夜無繁聒名教中原樂趣賒

示直隸總督方觀承及其屬吏

驅車過瀛州縱目瞻原田原田有積水冰凝雪鋪

連秋麥旣悞種春種亦覺艱去歲潦非常調幕吾

恧旃賑救或少靳災黎何賴焉村行歷觀民色實

鮮飢寒都稱賴麥稔早收穫潦前此語疑信半况

在蹕路邊其不經見者寧無向隅人

叶

我惟加實

惠爾其勉勤宣官階大小殊民父母同然各盡保

赤心蒼黎庶多全

紅杏園三疊前韻

今杏仍昔園兩度曾駐輦乘陽行時令爰復停閒
館撫景驗貞元晰理窮幽顯更無軍務殷喜有經

書展迴思此問夜始籌王旅遣掃逆兼靖回

丁丑駐此

時雖伊犁已定而賊黨巴雅爾等乘阿逆之窺觀
望煽動方命將士乘春進討今厄魯回部悉平為
憶爾時行在旁午不禁喜惕倍增也

天恩錫盡善

紅杏園夕景

成趣非關日涉怡情愛與古稽夕景偏宜颯爾春
物未至昌兮盆裏梅全吐萼牆頭柳始生穉遮莫
銀蟾遼待剪燈靜賞堪題

御行營

朝家制度萬邦懷肆武巡方處處皆罽室氊床原
自便韓祠毛社底稱佳且欣與我周旋久更不勞
他點綴排几淨窗明復清暇可能闕詠此行齋

燕九日賜隨營諸臣及直隸各官食

修市行營御邱仙節日臨度疆留牧伯

明日入山東境直隸

各官皆留扈駕有纓簪宜與開春宴因之愜衆心筠沖常預席隨行回部王公等並得依次列坐食榘擬懷音

燕九燈詞四首

風定寥天夕色曛春燈大野共民欣新詞耐可吟

龍雜故事那須徵白雲

綵檠夾路酺場寬迎送連郊列衆官是日河東諸大吏迎駕畢

集小部黎園人習見攜來回伎俾同觀

植瓜種樹須臾速度索懸橦巧創奇比似前巡真

厚幸軍書丙夜罷疇咨

圍觀老幼數無萬不禁金吾同樂多入夜肩輿返
帳殿百年休養此熙和

南巡盛典卷二十一

天章

壬午

山東

詩

賜衍聖公孔昭煥

翠華迎謁蹕途旁德業宗風想益獲取道迤東卿

且返迴鑾當一仰宮牆

過德州運河卽事

卧波浮釣亘通津夾岸肩摩接駕人按轡徐行還
徹葢鋪衢隨覲不嫌塵益祈田穀資其食所喜民

情向我親去歲此曾遭異漲迴思猶爲恫瘝頻

駐蹕德州示山東大小吏疊舊作韻

東省斯惟首頓居狩巡五載又臨予詎欣駐處閒
庭廓尚念災餘比戶虛申命官箴宜惻爾設云民
感益慚如十行頻有恩綸沛要在推行善體諸

正月廿日德州觀燈火

燕九重應燈火收何當繼照賞陵州疆連日翼陳
宜聽幼挈老扶來不謀西漆南油齊屬目緣竿走
索訝纏頭吾民樂卽吾心樂紀載從他故事留

四依

皇祖德州卽事詩韻

五度德州路民風不改初有成尼父語吾愧魯論
書

去歲盛秋霖協時乖日肅竭力濟昏墊千村幸飽

燠

河南巡撫胡寶琮接駕因問河工民務隨遣

去

豫省昨秋澇宵衣切厯思爾今來遠接爲我說真

知慢頌堤成速尚憐麥種遲饗殮得稍給屋宇可
重治亟藉災區理寧資蹕路隨往哉勤汝事東作
要乘時

賜山東巡撫阿爾泰

承宣原佐治安撫遂專衙

阿爾泰由山東布政使擢本省巡撫課吏

旌清慎勤民重麥麻入疆此所慶行館彼非嘉

城

行館蓋因地名鄉子園之舊增葺數椽用備臨憩
阿爾泰以事非興作不先奏請然非朕所取也

化雨青齊被希璉政豈賒

賜河南巡撫胡寶琮

九江遷古汴因地藉賢材

寶琮前撫豫時練事日久去秋以楊橋工賑重

務復自西江
調任中州

咨爾尤熟路為予抒幹裁澮川別雍

闕田野闢汙萊善後方多務欽哉更勗哉

德州行宮疊舊作韻

京畿東省茲門戶水舸陸車滙路程幾宇行宮原
早就一時賡韻又重成且遲柳色迎隄發已喜梅
香對座榮遊豫大經曰休助載咨方伯體予情

題畫梅筵頭疊前韻

丁丑南巡時漫寫筵頭置行宮中而去今

來復見因疊前韻

幾圈還幾點前三與後三不因啓駕北那復識枝南

老黃河

不藉浮梁策騎過土人說是老黃河居今故道圖還復封建井田差幾多

賜河東河道總督張師載

去歲楊橋決子當咎匪卿從來不諉過正爾憫奔驚初報漫口時張師載引罪惶遽曾論以此非人事所能為慎勿張皇失措清白揚前

烈

師載故禮部尚書伯行之子

莫安觀後成修防益勲恁最此

繫民生

降旨免河南災地民借欠項因示胡寶琮

遇災蠲常賦賑期分次第輕重以為差是皆有恒例汙萊闢綦要民力虞艱致牛具及籽種借與俾勤藝且緩期以償無非為民計不期游遇澇後更較前劇叶斯宜曲加恩概與豁免暨毋令侵蠹役尤須督庸吏蘇彼幸全民體予如傷意

平原行

平原高樓臨廣津平原樓上多美人槃散行汲河
之濱美人一笑蹙者嗔竟往索頭君未許歲餘賓
客稍引去叶恠而問知賤士由乃斬笑蹙美人頭
造門謝蹙客始留卒得毛遂縱約收穎脫而出固
亦奇三寸舌彊百萬師此事半信還半疑美人之
頭僞乎真蹙未謀面奚區分來去亦何與去聲衆賓
大都龍門務辭工傳奇乃致失平公戰國機械以
爲功邈矣吐哺握髮風同時更有狗盜雄

徒駭河

策騎過徒駭禹功猶可稽由來大事舉艱致衆心

齊故道難循舊秋霖藉洩低

今運河秋漲由此洩入海益慙三

度往劫忒議防隄

題飲馬池

飲馬陽阿尚有潭下齊當日識奇男覬覦何事窺
神器鐘室淒涼轉不堪

三依

皇祖南巡過濟南詩韻

百里桑麻率有城無非保障厘民生與吾共者二

南遊盛興 卷二十二 五
千石慢爾徒稱天下平
潦後尚嗟溝壑轉春來
那見室家盈巡方惠政
循

前揆詎爲華不翠色橫

崗山疊舊作韻

十日行春盡郊野今朝發
駕見山姿逢迎喜與峯
巒近駐蹕纔方卓午時

雪積陰崖勒薄寒和門武
帳向南安予寧慮闕豐
裘暖慮在多人布帳單

生色圍屏畫意裝謾聲泛
出籟含涼前番却憶雪

中見依舊行齋松嶺陽

翠雲千疊弄春晴抱石爲
胎強項生落落寧同凡
艸木却隨冬夏變枯萌

柳色六韻

通閨立春晚因之春意遲
今朝逢柳色頭踏露韶
姿新綠未彈葉輕黃始
染絲風梳方澹蕩烟冪
欲迷離詎致連村暗且
欣綴野宜麥鉞猶待吐
縱目引遐思

題長城

南遊集卷二十一
乘山築郭連瑯琊四起防門謹蔽遮策士合從資
倡議筮筮天下屬嬴家

靈巖寺西入石路仍用唐劉長卿韻二首

入山全展畫問逕每梯苔鬢相應須禮肩輿可慢
回圖經誰說創刺史此曾來泰嶽秀分得苻秦境
早開雲皆依嶂吐松不藉人栽甘露泉猶渫禪房
重舉杯

前歲鐫岩句今看亦隱苔可知無住相勝處且遲
回花雨當春落山容識我來鐘聲幾杵靜經帙大
乘開忍草庭中茁禪枝道者栽長城信佳作誰得
議瓊杯

靈巖寺壘前韻

玉符祇苑由來久巖有佛居合號靈豈必吳中八
面塔請看歷下五花亭松因摩頂今聽法泉自渡
盃古瀉渟別館近旁堪一宿清虛端足謚神形

卓錫泉上作

古寺禮靈岩春泉憩卓錫泉上自有亭左倚千尋
壁松蓋密密張乳竇淙淙滴眉目於焉朗心神一

南遊盛典 卷二十二
以滌志乘誰所作咄咄誇妙蹟錫如能昭昭泉卽
所歷歷便實有其事臨濟與棒喫

駐蹕方山疊舊作韻

誰向丹陽借宋符

江南上元縣有方山宋元嘉時何尚之退居處其地爲丹陽郡

所轄按山東志載方山在長清縣界雖名同上元實卽水經注之玉符山也

佳談一例

助遊娛何須此是彼非論不異水流山峙區行館
數間堪駐耳好峯幾疊試登乎前年已是攜圖去
今日居然身在圖

朗公石歌並爲圖

玉苻東麓卓立峯圖志猶稱是朗公人盡云然胡
獨不飄飄合掌行雲空又如達摩面巖壁復傳曾
有點頭石一之爲甚可再乎初祖生公笑可惜興
來爲寫朗公貌三鬣何曾求曲肖眉毛拖地至今
然海月團團鏡光照

再題靈巖寺八景

巢鶴巖

羽客本來瑤島種何因瑞相兆開山應緣命命同
飛去安養道場聽法還

甘露亭

甘露泉頭甘露亭
淪泉洗鉢苗蓮青
無端津逮閣
黎口說法猶當字字馨

卓錫泉

都大緇流也好奇
錫傳乳竇注山陂
玉泉第一惠
泉二問爾神僧卓者誰

摩頂松

長安辭闕來西竺
摩頂松何在魯東
遷固猶然有
踏駁稗官奚恠語多空

鐵袈裟

鐵鑄袈裟圖久住
誰能著得自元超
蒲牢設擬鯨
魚發也似鐘聲披七條

白雲洞

天半嵌巖名白雲
晴空無雨亦氤氳
前春憶得探
奇到路自英英蔚處分

雨花巖

維摩空裏文殊問
那是如來不二門
付與層巖雨
花者更無人說默無言

愛山樓

潔治行宮備豫巡高樓納得好山皴設云仁者有
同樂便擬當春澤物均

方山夕景

雪積有餘寒山高易爲暮松梢落暝色忽失蒼松
處行齋倚巖半謾謾仙風御神謐息外營景清契
始遇然此不可著明當清蹕去

降旨免山東被水州縣積欠詩以誌事

夏諺曰遊豫其義重休助此地昨秋潦宵旰廛憂

慮春來寬大詔率已屢頒布經過切體察老幼迎
蹕路雖云無菜色猶懼有薪措廉知餘積欠期緩
終應賦不如一與豁俾免催呼遽安心勤耕農有
秋冀可遇

填倉日作

餅節途中度民風取次探炊烟村樹引澌水野橋
含問俗新棉有充庖嫩韭堪落萁纔數十積穀厘
餘三

望

岱廟

岱嶽崇隆百里瞻
峇陽

岱廟血精嚴
禮官肅祀儀雖備

巡蹕將經首途遣官

岱宗告祭

如禮恭已忻翹敬倍添

居震德宏六子率配

天澤厚萬方
霑心馳未覺雲山隔
敢曰誠通冀福謙

過泰山四依

皇祖詩韻

靈巖謂是高無比
更有高峯在上頭
瞻魯象曾詩

裏想青齊色忽路前浮
禪封玉帛秦兮漢襟帶耕

桑郡復州保泰惟斯躬所勉
况榮若彼志毋留

兩度天門親拾級

羲碑捧讀憶從頭
戊辰年事那堪道
丁丑春巡過似

浮不改盱宵勤庶政
惟期樂利永齊州
省方繼

武一心切詎是無端七字留

閱本

封篆例應過節開閣章
今日驛傳來敢云批閱
吾閑矣益勅幾康其慎哉
問俗巡方惟敬事察言觀

行更量平聲材重熙處泰宜何務堯典欽明一語該

望徂徠作

徂徠松早似牛山孟子名言絜矩間只有竹溪傳
六逸不妨傲士此高閒

過汶河

靈源遠溯出萊蕪行地橫陳齊魯都是日輕輿復
經過春風野約自清殊昔今不異觀民切來往寧
因問景紆分水北南胥濟運古人相土有良模

羊祜城

桑梓猶傳僕射城峴山墮淚感輿情由來仁勝功
遠矣元凱沉碑空好名

至泉林二首再疊舊作韻

泉林子在川上處成誦髫齡記憶明五十望牆猶
未入東西歸壑又逢晴泉林即陪尾山東西各有泉出牆則合一川為泗水矣
門庭熟路無須問軒榭前題有若迎勝地良辰
扶

翠輦

高年憩賞足娛情

我曾兩度駐負尾絕勝渾如初度來何必管絃誇

熱鬧可知泉石稱清陪觀民蒿目盈寧耳近

聖翹心鑽仰哉較量前番幸成武丁丑過此時西師尚未蕞事有

不異前茲惟問夜軍書籌畫為惶徊之句幾閒對景一徘徊

三題泉林行宮八景

近聖居

近聖人居若此甚然而無有則亦無子輿斯語俟神會會者依稀程與朱

在川處

泛海猶然來往續印心何異鏡開奩千秋川上徘徊者誰解宣尼道體拈

鏡瀾榭

白露妍媸不示形迴塘流動復滌滄何須博古圖中考此是軒轅一片青

橫雲館

陪尾何曾高百丈地靈亦自解生雲憑軒不惜藏山色却為春郊作雨欣

九曲約

山下出泉成野河板橋接岸往來過底須九曲擬
仙境樂事由來名教多

柳烟坡

大戴禮詮正月候協時近可驗長條若爲畫筆能
傳照烟意惟看柳處饒

古蔭堂

杞樹輪囷巧覆墀春來重見出塵姿喬柯爲問何
年發性善曾箴告子時

紅雨亭

春曉緋枝苞尚含趨程巡蹕指江南慢言佳景成
孤負看到霏霏轉不堪

賜山東巡撫阿爾泰及其屬吏食詩以示志
泉林卓午駐瑯輪賜食茲邦執役臣灑道清塵都
致敬遊休豫助重時巡詎欣別館美如許惟厘災
區惠可均一食不忘君見說還當一食不忘民

坐泗水源上作

陪尾真寶藏靈泗山根伏回回出乳竇元氣滋滲
漉胚胎轉天輪鴻濛運地軸夏涼却冬溫襟嶽而

南遊盛典 卷二十一
帶瀆我來源上坐首春清且淑四山葉尚黃一川
藻常綠信可鑑毛髮寧當論纓足緬懷子在處千
秋示理躅不稱俗慮蠲直可道心復

再題橫雲館二絕句

團圞鏡樣抱雲廊中有三間白玉堂內外虛明渾
似月不須修樹著吳剛
春風今日值晴明俯攬春郊未試耕傍晚英英南
嶺蔚地靈暎帶不孤名

泉林行宮晚坐

別館春風夕景侵泉林真箇好泉林盛名難副茲
誠副

聖蹟宜尋近可尋川氣滃然連古樹暮春邈爾隱
遙岑神凝乍欲忘機象剪燭匡床又課吟

綽楔穹碑八十年

行宮前

皇祖碑

記屹峙是

將詣曲阜

經此所建每來敬識弼仔肩總林樂利仍依舊赫

濯聲靈勉繼

前祇祝耕犁豐沃野幸過籌筆奠新邊卷阿幾度分
明憶駒隙遷中有不遷

微雪四首

兩度蒙山都見雪今來峯頂又生雲已看積玉原
如昔設更飛霰益可欣

歷辰過午蔚雲濃憑轆遙看麥壠封傍晚綏綏忽
密灑春郊如約邁奇逢

亂飄斜墮態森森瓊室茶爐悅可心素積高峯直
北望蒙陽瑞色接蒙陰

辛未丁丑皆有恭和
皇祖蒙陰積雪詩

原田三白積漫漫微雪欣宜此處看便使開晴尤
恰當恐妨春氣轉嚴寒

蒙陰積雪三依

皇祖詩韻

瑞雪春朝遍野封

立春日京畿至齊魯普
獲瑞雪此處尤渥霑

節遲遇

閏未興農山靈蓋不違

堯命示我

詩情在玉峯

望蒙山雪色再疊舊韻

翠微積素訝偏同三度春光一例中此可無言平
野過試看有霧遠峯蒙賦情因遇思梁苑詩意其

滂緬衛風較量前番饒厚幸伊犁早慶兆農功丑丁

疊韻有遐心憶到伊犁塞佇待王師早建功之句近得駐伊犁大臣阿桂奏則各部屯政畢興收穫倍稔且遇冬雪兆慶有秋實堪欣慰也

望南城山 志傳曾子侍父處

古鄴城南聳碧峒卜居養志樂閭閻龍門如擬青

雲士吾謂斯人善附人

過古鄴城

食邑有如此應知公室微甚哉過百雉久矣墮三

圍野落幾家聚荒榛數鳥飛猶餘智井在尼父致

深譏

萬松山停蹕

停蹕山欣號萬松春晴滃蔚綠陰濃無多室宇花

宮側近遠都來眼界供

北軒耐可縱遙眸疊浪喬松翠欲流設擬遨遊雲

海上不瀛州定是防邱

春風琳宇小停驂幾愜青雲映碧潭謾議小山無

故事八公見說晤淮南

正月晦日聞雁

南遊盛典 卷二十二
今年遇閏遲春節趙北未看人字過落盡奠方聞
嘹唳果然陽鳥信堪多

二疏城

荒城名尚二疏存置酒捐金廣主恩賢損志愚益
其過不惟高見實良言

題于公宅

定國爲廷尉民自以不寃致興乃在是鋤筭安足
論孝婦不能救祭致身後恩史遷無卓識猥稱多
活人姑息亦甚易咸當高大門弼教之謂何舜宜

肯吾言

二月朔日復雪

前日微飄今大作行營早是駐鳴驂背迷遠岫銀
屏纈細糝長空玉鳳麤滋護麥根纔仲月芳遲梅
蕊待江南發生未鬯寒無礙喜遞勾吳潤意含

過沂水

遙源溯臨樂巨浸注青州是日橫橋度春風野水
流北瞻山已遠南指樹如浮神禹高臺在千秋聖
蹟留

晴三首

昨日雪將二寸餘嚴寒切慮變春初晴和更復無
風色策馬青郊意爲舒

路放瑯琊遵海南橋過沂水境臨郊萬民迎蹕情
親切露冕南巡逮此三
軟曦融雪作輕泥喜復無塵逐馬蹄却爲閏年遲
節令麥苗待看茁青齊

郊子園六韻

觀民指吳會按頓蒞郊墟少皞嗣封後春風駐節
餘何當庭館此爲愧肝宵予一宿園奚藉千秋蹟
信諸旣成斯不說至止偶相於誰與徵傾蓋因之
試訪書

南巡盛典卷二十三

天章

壬午 江南

詩

入江南境

雪霽春郊喜不風入江南境便韶融此疆彼界爾
雖異圖易思艱我總同但覺民情更親切爰咨吏
治可明公翕河汜利巡方要名勝休誇點綴工

過峒嵒山

三度觀民駕幸吳春風又復過司吾蒼松間出紅

南遊盛典 卷二十三
牆寺信遞江山畫意殊
拂廬停蹕對青山石洞流泉想像間
合十僧雛紛
候輦可知虛擲半朝閒

三依

皇祖示江南大小諸吏韻
四海皆吾家羽林無煩楸遊豫本爲民
民艱厘咨
剖忽生乎所易懈萌在經久而吾何敢
然慎終勵
其首巡方法

皇祖視膳奉

文母南邦已蒞止農實勤南畝風俗不異前
教養應
善後善後非更張章程貴謹守老幼盡安懷
閭閻
自親友庶幾休以息世共登仁壽三賡緬
堯巍一意懋湯負

駱馬湖

當春資濟運行潦藉歸川實有關閭里要惟慎節
宣橋橫下口處帆掛遠天邊幾度思長策致艱利
汝田

度永濟橋疊舊韻作歌

南史卷二十一
司吾除道遵邁迤雪消平原積水故知此邦易
致潦頻賑無能瘡痍起長橋前度憶圯頽鳩工重
築親相視今來葺役利往來春時水弱行壑裏夏
霖秋澇不可當曾無良法慙徒爾徒杠輿梁有常
經不虞之譽求全毀咨爾羣工善勤宣豈能一一
待親理與我共之之謂何食天祿斯民所恃示懷
聊此舉大凡加惠蠲逋卽繼以

順河集行館作

登舟尚遲

去聲

四朝程儘可修除張幕城何事居然

亦室宇稍欣未致大經營土香階草纔蘇紐風細
盆梅欲放榮西望運河隄傑峙幾多酌劑繫予情
放筆寫盆梅並爲是歌

順河集邊室數楹防湫濕建由大吏旣樸且淳秀
而野江北已遞江南意春風駐輦喜清舒庭有盆
梅爲點綴藏苞含萼未全開以未全開益清致觀
其蘊釀有餘思設已爛漫夫何味鄧尉香雪卽當
逢女夷酌劑有深義因之放筆爲寫生无咎元章
法總置尺蠖之屈以求信妙筦由來易理契

過宿遷縣

登隄指桃鎮隔岸望
登猶百雉闔閭固萬家烟火
稠民風咨利弊漕運欲周流
觸目無非事吾寧為
豫遊

策馬度仰化集口占

老幼數無萬都為仰化人
斯之未能信慙愧頌聲
頻

賜兩江總督尹繼善

保障資三省忠勤著兩朝
節樓無過久
尹繼善於
雍正七年

巡撫江蘇旋兼節制歷兩江雲貴川陝諸
重任而兩江至今凡三莅前後三十餘年
幕府獨

稱超善得軍民服兼能上下
調暇還工作誦吉甫

可同條

賜江南河道總督高晉

撫皖昔叅俎督淮今建旌
高晉昔為安慶巡撫時
命為副總河俾習河務

簡賢我惟切盡職爾應誠
兩世司河務
高晉高斌
之嫡姪也

一心如水清勗哉為國
榦便是繼家聲

過宿遷命借給民籽種

宿預地卑濕十歲九逢災
怵然思救濟剔髮示前

南巡盛典 卷二十三
四
迴去歲乃免澇賑恩例弗推一夫苟向隅如傷繫
吾懷矧此瘠郡民艱狀憶向來較昔雖小差曰蘇
實未哉當春東作興籽種要安排借給俾勤耕庶
幾闢汙萊便幸逢有秋毋遽科呼催

隄上偶成

運河轉漕達都京策馬春風隄上行九里崗臨禦
黃壩曾無長策祇心驚
半是郊村半水莊輕風馬上曉猶涼韶光南國不
相讓已見沿隄柳色黃

鋪路蒼黎日覲光京陔兆億數猶強皆資飢食寒
衣者奚恠絲糧價不昂

宿遷迤邐接桃源澤國觀民鮮飽温侍衛囊金分

賜與

途次命侍衛視迎駕年邁者分
賜優老牌其貧者量給銀鏹

慙無暇計子

輿論

降旨加賑江南去歲被災州縣詩以誌事

遇災蠲賑循常經賑則有期蠲賦耳積逋原在不
蠲例加賑更惟待特旨新正江浙逋盡寬入疆民
瘼尤詳揣雖無展轉溝壑人大半衣裳多藍縷

叶

賑期視災爲短長長者較可短奚恃命加一月普
予糧無論極次貧同視搏節庶可度青黃尚在有
司善經理謄黃謝惠亦何必調幕懷慙正無已

閱中河

汶水分南北皇都轉漕資酌中河性順

楊莊中河
皇祖

所定規
制也利後

聖謨垂已是閱三度無能贊一辭守成吾所勉靡不

詎惟斯

楊莊牖三依

皇祖詩韻

剝木千秋利賴餘爲籌節制立始徐行其無事戒
穿鑿顧語河臣記莫疎

幾縷輕黃染柳絲春光日日近南移羣知有喜緣
行令意在繩

先豈盡知

渡黃河七言近體八韻

半夜風狂曉晷息登舟五兩更全停土臣執役喜
無比

河伯昭庥信有靈

悅豫慈情欣穩渡

狩巡祖制緬恢型 霭霽清旭全開朗 歸壑長川贊毒

亭

去年豫省堵築楊橋漫口功成迅速合龍時且有迴風助引之驗已命於工所建祠報 貺

浩瀚宏波覘盪楫配蔡元氣護揚舲孫莊縹緲成

彼岸彭口須臾泊近汀

惠濟祠虔瞻廟貌清黃漚謹度情形

神堯方畧貽良範慎守惟乾冀永寧

清口

去年河決楊橋驛清口清流始暢適開封迤下方
免災不幸幸難料以逆賈魯奪溜仍歸淮日久慮
致開門揖劬劬督策築宣房發帑屬薪所弗惜未
三月乃大工成事在人為語不易淮仍讓淮誠甚
佳河終歸海路艱得即今河復並淮行刷黃至竟
資清力清口東西壩對峙恃量節宣慎寸尺補苴
罅漏賴斯存蒿目何年當底績

惠濟祠

河畔崇祠金碧煌蓬萊祇在水中央載瞻鳳祀還

龍戶永奠內清與外黃功在民生宜祀典德惟坎
濟受

天慶禱之久矣寧因已惠我黔黎識不忘

木龍示總河高晉作

總河高晉欲建木龍刷沙因渡清口指示其
處

蜿蜒橫灘木寓龍非循雍時擬臨衝倍功半事惟
斯捷射浪停沙作爾庸積土陶莊希盡刷暢流清
口庶恒容卿家阿大中郎法斟酌尤宜勉繼踪

麥色

過河逢麥色寒暖北南殊因憶尤教喜入詩兼可
圖未成風擺浪已白露貫平聲珠賴此青黃接絕勝
看綠蕪

閱河三依

皇祖詩韻

閱河日晏駐舟營

河北皆陸營渡河則水路以舟為營故云

紆蹕因

多廿里行一述

前規無敢作

當年曾是慶平成

登安福艦作

御舟先至候河干此日登舟暫解鞍問俗省風胥
要務吳山越水得因觀歛時敷錫庶民福敢曰優
遊天下安祇覺羣情益親切駢填夾岸喜迎鑾

清江浦

清黃滙後清常弱此號清江意寓深咨爾建牙督
河者體予保障恤民心春巡問俗欣猶昔水驛行
程數上聲自今安福艦御舟名中梅一朶江南消息遞

侵尋

盆梅

河北盆梅含蓓蕾河南梅樹三兩開地氣纔方一

水隔遲速頓殊如是哉似為去聲鄧尉報佳信恰與

安福御舟名為清陪入窗風度香細細奉簾月映色

皚皚是色是香都契妙小許大許誰評材何當寄

語昌昌者轉欲芳華欸欸來

月

溪雲傍晚徂春魄一川鋪水宿景尤絕江鄉興不

南文盛典 卷二十三
孤蓬窗真恰當檣燭更何須趁月前行者開船聽
相入呼

題漂母祠

寄食淮陰未遇時無端一飯獲崇施至今漂母猶
歆報鐘室淒涼欲恨誰

過淮安城

分野瞻星紀聯城逮射陽始營猶憶晉重築更傳
張濱運接南北臨淮謹禦防觀民還按轡過郡亦
登航愛戴羣情切安懷予意養一人艱遍及慎選

有司良

賜總漕楊錫紱

轉漕由來大政關得人久任謂卿閑四星儲蓄天
容與千里北南歲往還革弊深應體民隱董媮兼
欲恤丁艱奉公盡職誠斯在扈蹕儀文儘可刪

閱淮安石隄壘前韻

黃流昔南遷奪淮挾歸海於一已覺難况兩難更
倍閘堰非不夥各以所見改因之水益高受病實
多載

皇祖厘民瘼濬距

勞乘橈曰予矐乎後庸詎悉源委雖然敢不獲所以

南巡每修防戒更張鞏固奉

模楷土隄易石工寓賑兼免殆丑歲已告成爲魚憂

早罷今來益繁滋比戶歌安愷開封憶昨秋又爲

豫人駭

雨

大霧翻爲雨江鄉有所常濕衣看不見憶昨詎曾

忘川路依微辨舡廬料峭涼農桑未興候陰霽總

無妨

晴三首

澤國今經三度過不愁雨少祇愁多西風捲霧晴

光放嫩柳輕蕪景色和

小涇南接大涇河淺洞沿隄洩漲波農事未興信

何礙夏秋爲壑患常多

一道長隄柳向城水田鱗疊野橋橫御舟且慢乘

風利霽景天然入畫情

襍言

兩日陰晴大霧為雨舟行致遲數刻里許一時風
作順風揚帆數里片刻此樂不凡往屈來信屈信
相感精義入神不出近覽桅席飽掛更當迅斯黃
頭弗可厥有理辭一往趨勢末恐難收萬事如此
寧惟行舟咄哉至言足以起予執藝以諫不拂曰
俞

過寶應縣

古縣闔閭濱運河安宜三度此經過艤舟策馬從
民願每至城市多捨舟策馬過之就日瞻雲聽彼
欲以觀民亦從民所願也

歌昨歲雖云被災小僻鄉寧鮮向隅多越堤邏壩
原林立蒿日修防竟若何

過高郵州

黃龍曉發近孟城上岸乘驄按轡行綺笈珩紈却
虛飾黔圍黎繞驗真情早知江國民居庶且喜槐
街米價平歷閱黨軍隄復舊州屬黨軍樓隄工上
年七月為風暴衝嚙

文遊臺

穹若高臺出樹看五賢當日此盤桓猶傳東郭文

遊處不異西園雅集觀稱勝以人詎以地尚論平聲
為美那為嘆千秋俎豆輿情頌元祐寧須做好官

題露筋祠

烈女唐時傳露筋米襄陽誌有佳文若論平聲茹苦
冰霜操畫棟雕梁寧所欣

賜蘇州巡撫陳宏謀

外吏中惟久由來繁鉅勝體予視傷切謂爾佈恩
能必有遠猷贊寧惟苦節稱金閭誠富庶返樸最
相應

賜江蘇學政劉墉

皖歛嘉能職吳淞俾董繁先經後子史多行去聲寡
文言可作化裁法毋孤簡用恩繫予勤實政藻頌
不須煩

香阜寺

過岱多平陸臨江得小山伏龍知有角香阜蓋蜀江伏脉
見豹底論斑畫舫於斯易易輕舟遂達天寧寺行宮花宮祇是
閒行齋知已近五載隙駒間

天寧寺壘前作韻

柰苑香花集禪侶

慈寧萬壽祝如陵似茲那可異端闢但彼誰臻最上
層忘所入流佛惟寂遇佳得句我猶能論民便欲
論其苦廿七年來心是憑

駐蹕天寧寺行宮作

別館天寧古寺邊居停許就舊材便雖然商力非
民力但覺今年勝昔年墨斗硯山足遣逸琪花瑤
草底須妍省方更切還淳意不為怡然為憮然

哈薩克陪臣到因攜觀廣陵風景

哈薩朝正貢馬頻路遙遲到值南巡因教馳驛來

江國便挈行春閱綺闈昔歲觀光稱使者辛未準
噶爾使

臣曾命至蘇州賜諭爾時準夷尚未
勦滅哈薩克原屬準夷不通中國也今番優賚實

陪臣廣陵鄂畚哈薩克
地名何南北總我心懷保赤人

題九峯園

策馬觀民度郡城城西池館暫遊行平臨一水入
澄照錯置九峯出古情雨後蘭芽猶帶潤風前梅
朶始敷榮忘言似泛武夷曲同異何須細致評

遊平山堂卽景襍詠八首

九峯園畔換輕舟古郡城西初度遊二十四橋雖
莫辨紫薇猶足緬風流

樓臺絲管廣陵擅廿里雙隄隙地無幼挈老扶恣
瞻就吾心所喜在斯夫

陪臣賀節大宛朝侍衛攜來不憚遙便許隨觀都
踴躍無文徑說踐紅橋

舟移岸轉換歌聲早見平山翠黛橫五載流陰纔
瞥眼越豪今日是吟情

一脈西來總蜀岡安名立字定何妨東山偏自稱
功德蓮界因之禮法王

瀑泉淳淖落雲空宛轉輕輿有路通對峙雙峰度

雲棧笑他望蜀太求工是地有雙峰雲棧之名

山堂小憩引遐思論世端宜尚友茲慢惜梅花開
未盛看梅恰合是斯時

閨藏芳信待維揚霽旭和風了不涼綠蕙紅椽爭
放色平山今日識春光

題平山堂

賢守建堂隣大明輿地志堂在大明寺側江南山色與簷平

家聲讓彼稱三至朋盍欣茲近四并

三至堂曾肇建四并堂韓

琦建皆見誌書

古往今來總佳話松風水月那閒情林泉

不異前巡况一卷真教畫裏行

第五泉

平山堂畔石欄圍甲乙由人弗是非三度平臨收
勿幕勞民勸相慎幾微

蜀岡

何山不自西南來崑崙地脊支派開叅軍文賦具
卓識圖經地紀拘墟皆茱萸灣口進輕舫平山堂

上聊徘徊遙想當時賢太守二三良友相追陪還
淳返樸豈無意要當因民為化裁廣陵繁華今倍
昔蜀岡地少多樓臺歐陽廉近吾廉遠近者艱致
况遠哉居今誌古詎易事蜀岡之述因興懷

題蓮性寺

江都城北多陂澤水物由來清且奇瀟灑青蓮宇
標性交蘆同悟合還離

遊倚虹園因題句

虹橋自屬廣陵事園倚虹橋偶問津鬧處笙歌宜

遠聽老人年紀愛親詢柳拖弱縷學垂手梅展芳
 姿初試嘖預借花朝為上巳
是處舊名虹橋修禊
 明日即花朝故云
 冶春慣是此都民

題淨香園

滿浦紅荷六月芳
 慈雲大小水中央
 無邊願力超塵海
 有喜題名曰淨香
 結念底須懷爛漫
 洗心雅足契清涼
 片時小憩移舟去
 得句高齋興已償

青琅玕館喜成口號

萬玉叢中一逕分
 細飄天籟迴千雲
 忽聽牆外管絃沸
 却恐無端笑此君

趣園

偶涉亦成趣居然水竹鄉
 因之道彭澤從此擅維揚
 目屬高低石步延
 曲折廊流雲憑木榻
 喜早晤

宦光

亭中木榻甚古樸刻趙宦光題流雲二字及董其昌陳繼儒題語雖屬偽作頗愜幽賞

再遊平山堂

時節逮花朝百卉舒韶光駐蹕有餘暇爰再遊山
 堂遠迎坡梅紅近拂隄柳黃夾隄多名園時復一
 徜徉遇佳輒留題好樂亦戒荒畫舫不知遙至止

大明

寺名在山
堂左首

旁迴出適所逢試問因何芳地勝

究以人畢然懷歐陽既乃怵然懼得毋誚馮唐

高詠樓

高樓蘇蹟久羶薌今古風流翰墨場八詠遙年符

瘦沈一時同氣近歐陽山堂返棹閒留憩畫閣開

窗納景光却憶髯翁擬擱筆似聞翁語正何妨

慧因寺

金粟如來是慧雲迴超緣覺與聲聞猶嫌靈運爲

饒舌孟顛精勤底足云

塔灣行宮再依

皇祖詩韻

二月東風桃始華南巡本意厯桑麻郡城甫過甘

泉市行館還依法苑家澤國今其足衣食廣陵古

漫詡烟花牖民不藉重申命

皇祖詩篇早戒奢

花朝放歌

花朝率以度北地十年九不逢花開因緣今歲幸

江國春寒却慮含苞胎邇日維揚轉淑氣山襟水

仙將野梅吐芳纈艷各殊致似報今日花朝來登
舟解纜順流下塔灣早到纔已牌沉檀為氣錦為
谷對以無欲胥清陪鼓催詩迫兩無藉地靈權巧
為安排花露磨墨寫花韻前巡節物依然佳

塔灣行宮再依

皇祖示江南吏韻

別館運河側南巡此重

去聲

經閒堪閱書史樂不在

池亭惟切肝宵志匪耽月露形申咨大小吏有惠
莫屯停

題文徵明吳淞草堂圖即用其韻

過眼風光共水流却憐畫意報迎頭塔灣春午先
題幘揚子明朝始渡舟且喜將臨不多日漫言小
別數經秋草堂豈復吳淞在作證惟應是野鷗

渡江至金山駐蹕作

昨夜風雄曉盡停

祖功一例奉

慈寧心期無忝勵無逸

瀆貺有昭欽有靈畫舸人情胥悅豫鏡天景物正

薰馨十年三度事多矣不改金山幾疊青

金山寺再依

皇祖詩韻

江山風物鬯春和總為

慈寧祝嘏多到岸

羲碑先拱讀繼繩自問應

去聲如何

登金山塔頂再疊舊韻

塔已山尖又塔尖竿頭進步那辭兼寧惟縱望目
眸豁真是入微情性恬宰堵饒他劫火閱江波照

我鬢霜添便教險韻賡千度不外如來一朶拈

試中冷泉

一江之水冷分三古來志乘為斯談伯芻

劉氏

稱第一又新

張氏

第一又屬南水與人乃漠然者猶

杏阿好甘其甘究之平流詎有異南北中豈殊同

潭頭陀近試偶因便德裕遠取還嫌貪松枝煮茗

月初上翻聽謾籟鳴方酣

觀濤樓卽景

崇構觀濤舊所稱石簾壯觀

去聲

試臨憑千尋翠巘

天疑近一道長江波不興來往布帆嫌力弱空明
玉鏡與心澄風恬浪靜自佳事何必枚乘賦語徵

閱水操因題

奚緣閱水操哈薩扈巡艘欲示詰戎制都關馭遠

韜千帆殊欠捷五兩曰非遭戰船轉帆不甚迅駛
詢之將軍伍彌泰以

未值風順對
因戲及之怪底東風便周郎始破曹

金山再疊舊作韻

春來江漱鴨頭青天塹千秋據勝形

祖蹟重瞻祝

母暇乾符丕慶協坤靈依出蘭殿詢

安退照水花宮取便停風物美哉還盡善疇咨有暇

合搜冥

峭壁巖前春似海迴廊欄下地如天荒唐見說獲

求賊疑似猶傳瘞筮仙此處泯兮芥與蕙古來紛

矣歲和年視民不改如傷志脉脉前巡一念連

題蘇軾玉帶

藏金山寺中曾遭回祿缺數版為補足製匣

仍弄鎮山門以成佳話

道母圖中物 石渠寶笈上等有崔子忠印公留帶圖是寺事也 頭陀寺裏

逢山門至今鎮 用印語 話句覓何從 詎此藍鞋者愛

他白業宗中郎 如可擬軾也庶幾邕

遊金山寺三疊蘇軾韻

趙宋詩人許坡翁 雄才磅礴富似海 創為險韻再三疊
妙理無在無不在 偶然遊戲叅伽陀 橫江那畏排山波
中江長老一握手 故鄉情誼何其多 伏牛山下重艤楫
風物撩人如昔日 舊編翻讀和蘇章 欲效其為面先赤
強顏倚檻安吟魄 甲乙寧須較白黑 花紅柳綠春正明
人所習見誰言驚 子瞻磊落頗卓識 飛燄江心見何物
英雄欺人力拔山 設奇蓋欲曉彼頑 歸歟何事不得已
底藉定盟有如水

遠帆樓觀燈船火戲詞四首

燈船火戲吾常禁 今番 去聲 緣何翻欲觀 哈薩陪臣

扈巡蹕不妨 因示萬民歡

頭陀山下夜行船 金樹銀花頃刻燃 照入江心霞

影艷東坡先著祖 生鞭

南巡盛典 卷二十三
大江東去靜無風畫舫花檠上下紅如此民情如此景越艮保泰惕吾衷

鳳笙水調過雲罷鶴燄春明入夜收顧魄團團海門出心燈萬古照當頭

自金山放舟至焦山三疊蘇軾韻

山
清流疊疊元陰耽山以包屋稱江南竹徑禪林胥熟路到此屈指今凡三玉局傑作重快讀秘思愛彼抽春蠶中流豪歌復酣嘯老僧笑晤心何慙觀民休助我正務暇亦延賞窮巖潭金山佳矣鮮隙地已嫌樓閣羅峯酣剪江言造幽絕處勝以弗飾方可談乃復稍稍事莊校貝多羅樹珊瑚龕踵事增華俗猶厭質諸佛想非所甘以言施者雖破恪以言居者寧非貪髯翁有知應首肯但已成事說何堪瘞鶴真蹟惜漫漶爲臨元本留雲菴

清寄堂

別業精藍左名之清寄堂江山無盡藏翰墨偶然償綠草經冬色紅梅逐日芳行雲與流水不住是真常

海門菴

所遇欣於向未逢
竺菴深護綠雲濃
海門月出江天淨
正暎如來滿月容

竹樓

架竹為樓竹徑通
山光江瀨攬無窮
黃岡同異何須辯
王禹偁文翠想中

登鏡江樓極目

焦山登極頂俯暢
鏡江樓是日微風
靜當春霽景浮遙
源溯西自萬古鎮
東流底論北南界
清時此

豫遊

遊焦山作歌疊舊作韻

金山豈無山勝在包
以屋焦山亦有屋
勝在山之

腹髯翁為弟長老兄

中江長老見東坡焦山詩非印公也

至今謦欬

聆其聲君子之交淡如水
每到金焦輒懷彼長江
風靜波不起青雀片刻旋
至止定慧寺禮金粟身
左首行齋昔無是無過小
憩緣此辰樓臺位置費
太勤成事不說自排解
後言寧免他紛紜梅花已
開冰玉色竹枝全寫龍鳳
文梅竹之間得句返興

致亦足標巖雲槎枒萬樹青氤氳一條曲徑菁葱
分造極忽豁萬里目吳顛魏躡氣早吞百年熙和
五載狩象山迎蹕笙歌聞

甘露寺六韻

志謂吳年建或稱天露垂

明統志謂吳甘露中建因名輿地紀勝又稱李

德裕建寺時適有甘露之瑞因名

史評竟誰定佛法本無為是日

韶光好言尋初地宜郡城東角到軒檻北端披全
攬江山勝獨標今古奇吟安須五字翠蹕為去聲遲
移

甘露寺北軒疊前用杜牧韻

又向潤州古寺行最無情處動人情開軒愛俯江
拖帶煮鼎徐聽竝響笙南界六朝皆往蹟紫微七
字獨揚聲登舟適可乘潮進一再留吟恐近名

賜湖廣總督愛必達

荆襄資坐鎮江浙遠來迎曰有世臣蓋常懷報國
誠清勤深吏治疾苦達民情久靖苗疆術無過不
擾行

過鎮江府城疊舊作韻

策馬過城始就舟壯哉鐵甕古雄州那更南北分
疆界惟有耕桑厘度諏戶口益滋誠盛事食衣難
繼乏良謀水營駐蹕聞漁笛一例桓伊不解愁

反李白丁都護歌

我歌丁都護却匪歌丁昨舉人思其地昔曾開東
府齊澣移漕路水淺丹陽土鑿石牛曳舟李白歌
其苦長此奚到今以今可知古豈無疏濬方天工

在人補輪年大小修

丹陽運口藉潮水灌輸土汕沙淤常需疏濬乾隆八年撫臣陳大受奏定六年大修而每歲隨宜間段修挑可展大修之限轉漕甚為便利

來往通

商賈設如青蓮言漕米其安取卽事識所懷鳴榔

過江泚

潤州道中雜詠

蒜山

各以菁菁多澤蒜誰稱公瑾算曹公魏顛吳躡胥
蕉鹿依舊江山依舊風

招隱山

斗酒雙柑遊獸窟戴家風致迴超塵昭明便爾思
招隱踪蹟寧同譙銍人

京峴

壓勝三千集赭衣誰知二世已秦非古來不少留
題客俊逸叅軍繼者稀

丹井

華陽上館石橋東有二一在陶村一即此一例陶村丹井同
拔宅不知何處去風烟中覓舊基空

金鶯池

雙鷗入地得金鶯瘞處因傳夏竦母名不捨無人
高慎子至今池水渌然清

高資港

好學皇孫穎慧聞惜無斷耳用心勤燕兵已渡高
資港猶自中朝議禮文

練湖

四十里周迴曲阿當年讓地慮非訛祇今閘礎依
然在但覺開田日以多

茅山

第八洞天稱地肺金壇摧峩矗高陵三茅已跨茅
龍去祇剩殘山列遠稜

登城霞閣疊舊作韻二首

曲阿循水驛高閣俯城衢每厓惟民瘼寧云忘已
劬官方需考績河務乏良圖風氣殊南北材華盛
越吳憂惟一意切頌慢萬聲呼所幸今成武來巡

攜闔蘇

時厄魯特及諸回部錫封爵備禁衛者並列扈從其地視漢書西域闔蘇蓋遠過之

丹樓祀昭烈香火走櫛衢惜耳事艱就嘉哉志並

劬欲信

平聲難度德不共見深圖無已偏安蜀有求

且親

去聲

吳一時懷古慨三義至今呼青雀還南進

前程近指蘇

